

聖門人物志

聖門人物志卷十

山西按察司按察使後學郭子章編輯

太原府知府後學趙彥校正

陽曲縣知縣後學陶嘉璋

交城縣教諭後學彭憲範全校

先儒四

薛子

薛子名瑄字德溫河津人年十二能詩賦既壯讀周程張朱諸書遂焚所作詩賦專心理學至忘寢食永樂十九年進士擢御史

監湖廣銀場手錄性理大全晨夜玩讀潛思有得秉燭疾書深
探密玩或通宵不寢正統元年初設提學憲臣出為僉事山東
誨育生徒翕然愛敬王振問三楊吾鄉誰可為大臣者皆薦公召
為大理右少卿三楊以用公出振意欲公一見振公正色曰安有授
官公朝拜恩私門耶振聞疑公會有獄夫病死三年其妾欲嫁
其私人王山山振姪也妻在禁妾弗得嫁遂誣妻毒殺夫下御
史獄坐妻死公辯其冤三駁憲官請振又曲庇御史劾公受
賄棄律出人死請廷鞠振吾曰是固應死竟坐公死繫獄公怡
然讀易不輟得大臣仲救又家人乞代死得免歸田居家六年

造詣益邃十四年給事中程信薦起為大理丞分守北門
禦虜景泰元年督川雲轉餉貴州尋陞南京大理卿蘇松
饑民貸粟富民不得遂大富人屠鼠海中王文即訊生謀
叛公抗章辯獲免是冬御史劉孜薦公粹學飭躬進無所
求退無所累贊君子之儒不宜置之閒遊乞召供館閣俾
講學輔導必有裨益上曰內閣本朕簡任非人所得薦
不許四年秋召為大理卿裕陵復位以禮部右侍郎兼翰
林學士入內閣居數月轉左會欲遣使徵獅西番公持不
可不聽又曹石專用事遂引疾致仕去四方從學者日衆

公學貴踐履不務論說辭受取與必揆諸義出處大節光明峻潔於富貴利達泊如也接人無大小衆寡待之以誠其言平易簡切不為穿鑿奇僻之說晚年造詣高明踐履篤實益至純熟著讀書錄二十卷其略曰人心有一息之怠便與天地之化不相似胸中無一物其大浩然無涯一念之非即遏之一動之妄即改之萬起萬滅之私亂吾心又矣今當悉掃去以全吾湛然之性纔改便渣滓融化而不勝其大不敬則鄙吝即萌而不勝其小懈意一生即為日棄大丈夫心事當如青天白日使人得而見之可也

以為名言又曰自朱子後性理以明不必復著書程明道
許魯齋未嘗著作而言道統者必歸焉天順八年卒年七
十三謚文清劉文安公嘗請公從祀孔廟不米呂祭酒柁
作公祠堂記曰公之存時或曰今夫子或曰真鐵漢或曰
好官一人或曰不愧性哲或曰躬行實踐或曰本朝理學
一人或曰學已至于樂地其不平者止權貴耳及其既歿
或曰今之真儒當入孔廟或曰明體適用此元大儒當入
從祀或曰潛心理學可祀廟庭或曰有功名教侑食廟庭
無忝其未祀者蓋有待耳嘉靖二十三年令專祀於鄉隆

慶六年從祀孔廟

贊曰穆穆文清終始以正善世不伐遯世無悶篤志力行窮理居敬作我先覺後我似性

臣子

下子名守仁字伯安餘姚人少有才名正德元年劉瑾亂政首拉疏乞誅瑾瑾大怒縛杖黜下幾死謫貴州龍場驛丞居處力學益進瑾誅歷官至都御史巡撫南贛汀漳等處至置二榷行其前榜曰求通民情願聞之過當是時宸濠蓄逆謀江西上流山路中劇盜四出公日夜練兵教射

不數月得精兵數萬攻橫水以桶岡破巢八十四連破三
泃滅巢二十有八還師開縣四此官司堅明約束諸賊盡
為治境虔吉人皆立生祠歲時祀公在贛開書院日與海
內名賢士大夫講學設社學教郡邑子弟歌詩訓禮嶺北
風俗為之不變十四年六月宸濠反公適勘事福建道經
豐城返至吉安與知府伍文定謀起兵討賊迎戰樵舍縱
火攻之大破賊擒宸濠內閣大臣忌公又不賞嘉靖改元
詔錄公功封新建伯兼南京兵部尚書叅贊機務未幾外
艱去服闋不召讒謗益起嘉靖五年岑猛叛猛死其黨

盧蘇王受再叛起公代姚鎮公至開示恩信班師撤旅蘇
受等自縛來歸因八寨反側又毒嶺表與蘇等約夾擊八
寨劇賊誅斬萬計捷奏至桂文襄素忌公言公挾詐專兵
時公亦病乞致仕至南安卒桂又斥公學術乞削奪官爵
上憐公功又封爵先朝信令不允但停恤典子不得嗣封
隆慶間詔守仁子孫世襲新建伯爵公天姿穎異其學問
直求諸心而其教人也以致良知為主其語門人曰吾人
為學當從心髓精微處用力自然篤實光輝雖私欲之萌
亦是洪爐點雪天下之大本立矣若就標末粧綴比擬凡

平日所謂學問思辯者適足以為長傲遂非之資自以為
進於高明光大而不知陷於狼戾險嫉亦誠可哀也已又
曰良知者心之本體心之本體無起無入亦無妄念之發
而良知未嘗不在但人不知存則有時而感放耳雖昏塞
之極而良知未嘗不明但人不知察則有時而感殺耳雖
有時而感放其體實未嘗不在也存之而已耳雖有時而
感殺其體實未嘗不明也察之而已耳學問工夫只要主
意頭腦是當若主意頭腦專以致良知為事則凡多聞見
莫非致良知之功盖日用之間見聞酬酢雖千萬頭緒莫

非良知之發用流行除却見聞酬酢亦無良知可致矣良
知不由見聞見聞莫非良知之用故良知不滯於見聞而
亦不離於見聞又曰凡人言語正到快意時便截然能忍
默得意氣正到發揚時便翕然能收斂得憤怒嗜欲正到
騰沸時便廓然能消化得此非天下之大勇者不能也然
見得良知親切時其功夫又自不難緣此數病良知之所
本無只因良知昏昧蔽塞而後有若良知一提醒時即如
白日一出而魍魎自消矣其序大學古本曰大學之要誠
意而已矣誠意之功格物而已矣誠意之極止至善而已

矣止至善之則致知而已矣正心復其體也脩身著其用也
也以言乎已謂之明德以言乎人謂之親民以言乎天地
之間則備矣是故至善也者心之本體也動而後有不善
而本體之知未嘗不知也意者其動也物者其事也致其
本體之知而動無不善然非即其事而格之則亦無以致
其知故致知者誠意之本也格物者致知之實也物格則
知致意誠而有以復其本體是之謂止至善聖人惧人之
求之於外也而反覆其辭舊本析而聖人之意亡矣是故
不務於誠意而徒以格物者謂之支不事於格物而徒以

誠意者謂之虛不本於致知而徒以格物誠意者謂之妄
支與虛與妄其於至善也遠矣吾俱學之日遠於至善也
去分章而復舊本傍為之釋以引其義庶幾復見聖人之
心而求之者有其要噫乃若致知則存乎心悟致知焉盡
矣公之學與朱文公稍異以故海內士疑信者半惟泰和
歐陽文莊公德安福鄒文莊公守益會稽王吏部畿鏐
山德洪永豐聶貞襄公豹吉水羅文恭公洪光相與真
而發明之而世宗皇帝亦嘗曰王守仁是有用道也
十二年廷議從祀可否互異 皇上援 皇祖一言

袁之議始定公與胡餘干陳新會共入祀孔廟

贊曰蝶屈龍場獄寃性術一脉良知千載先覺武戡溥戊
學懺虔吉傳習有訓斯文彗率

陳子

陳子名獻章字公甫新會人正統十二年舉人身長八尺
目光如星右臉有七黑子如北斗狀穎悟絕人讀書一覽
輒記戊辰辛未再上禮部不第聞康齋講伊洛之學遂棄
其學而學焉成化三年復游太學邢祭酒讓試和陽龜山
此日不再得詩曰能饑謀藝稷冒寒思植桑少年負奇氣

萬丈摩青蒼妙竊見古人慨然悲流光吾道有宗主千秋
朱紫陽說敵不離口示我入德方義利分兩途析之極毫
芒聖學信匪難要在用心臧善端日培養庶免物欲戕道
德乃膏腴文辭固糝糠俯仰天地間此身何昂藏胡能追
逸駕但欲漱餘芳持此木鑽系其如磐石剛中夜攬衣起
沉吟獨徬徨聖徒萬里餘髮短心苦長及此歲未暮驅車
適康莊行遠必自適有德貴含章通泰十六載滅迹聳荆
場閉門事探討瓊俗如驢羊隱几一室內兀兀同坐忘那
知顛沛中此志竟莫強譬如濟巨川中道奪我舡顧茲一

身小所繫乃綱常樞紐在方寸操舍決存亡胡為漫役役
斷喪良可傷願言各努力大海終回狂尋歸隱白沙父之
十八年布政使彭韶督府朱英交薦召至京令就試吏部
辭疾不赴越數日赴試至部復以疾驟發辭卒不就試時
年五十六懇辭乞終養疏曰臣母以貧賤早寡俯仰無聊
殷憂成疾老而彌劇使臣遠客異鄉臣母之憂臣日甚愈
病愈憂愈憂愈病病相仍理難長久臣又以病驅憂老
母年未暮而氣則衰心有為而力不逮乞歸養特授翰林
檢討疏謝曰臣至愚陋亦知銜負恩德圖報稱于親終疾

愈之日不負朝廷待士之盛意不敢違臣子效用之初心歸至南安知府張弼問出處曰康齋以布衣為石亨所薦以故不受職求觀秘旨弼開悟主上惜時相不悟以為實然言之上令受職後弼書殊類康齋遂決去獻章以聽選監生薦又疏弼始終願仕故不敢偽辭釣虛名或受或不受各有攸宜兩自後屢薦不起或勸之著述不答弘治十一年卒學者稱為白沙先生嘗曰吾年二十七始發憤從其聘居學於古聖賢君臣之書蓋無所不講然未知入處此歸白沙杜門不出專求所以用力之方既無師

友指引惟日尋書冊。心竅忘食如是者亦累年而卒未得
所謂未得謂吾此心與此理未有睽泊昭合處也於是舍
彼之繁求吾之約惟在靜坐久之然後見吾此心之體隱
然呈露常若有物日用間種種應酬隨吾所欲如馬之御
銜勒也體認物理稽諸聖訓各有頭緒來歷如水之有源
委也於是渙然自信曰作聖之功其在茲乎其與友人書
曰夫道至無而動至近而神故藏而後發形而斯存大抵
由積累而至者可以言傳也不由積累而至者不可以言
傳也知者能知至無於至近則無動而非神藏而後發明

其機矣形而斯存道在我矣是故善求道者求之易不善
求道者求之難義理之融液未易言也操存之灑落未易
言也夫動已形者也形斯實矣其未形者虛而已虛其本
也致虛所以立本也戒慎恐懼所以闢之而非以為害也
然而世之學者不得其說而以用心失之者多矣斯理也
宋儒言之備矣吾嘗惡其太嚴也使著於見聞者不睹其
真而徒與我哓哓也是故道也者自我得之自我言之可也
不然辭愈多而道愈窒徒以亂人也君子奚取焉又曰終日乾
乾只是收拾此理而已此理干涉至大無內外無終始無一

處不到無一息不運會此則天地我立萬化我出而宇宙
在我矣得此機柄入手更有何事性古來今四方上下都
一齊穿紐一齊收拾隨時隨處無不是箇充塞色色信
他本來何用兩脚勞手攘舞雲三三兩兩止在勿忘勿助
之間曾點歎兒活計被孟子一口打併出來便都是鳶飛
魚躍若無孟子工夫驟而語之以曾點見趣一似說夢會
得雖堯舜事業只如一點浮雲過目交事推乎此理包羅
上下貫徹終始滾作一片都無分別無盡藏故也又曰為
學須從靜中生養出箇端倪來方有商量處友人林俊曰

康齋之有白沙猶李挺之有邵康節始求之博久之曰雜
矣又求之靜久之曰偏矣雜佛者而超佛者張朱二夫子
先述而後復也遂以宋大儒為依歸其立志其專嚮道甚
勇涵養甚熟德器粹完其清酒獨酌造物宰節之外而
寓言寄興于風煙水月之間蓋有舞雩酒樂之風焉萬曆
十二年從祀孔廟稱先儒

贊曰洋洋白沙獨契斯理我思古人象山陸子平生議論
詩以見意克夫法門棟卷遊世

胡子

胡子名居仁字淑心餘干人幼穎異有大志七歲學于家塾言動如成人既學于康齋慨然以古人之學自期新道自任以記誦詞章為不足事專用心于內其學以至忘信求放心主敬為要因名敬齋處家庭如朝堂對妻孥如賓客端莊凝重履繩蹈矩造次頓沛未嘗少怠幽獨之際愈嚴愈密每日必立課程詳書得失自考終日竟夕孳孳不倦見義勇為不擇利害為起不排異端振流俗高風偉節儀表江南所著有居業錄敬齋集其畧曰心有主雖在鬧中亦靜故程子以為金革百萬與飲水曲肱一也然必

知之深養之厚心方不動無事時不教心空有事時不教
心亂心常有主乃靜中之動事得其所乃動中之靜心常
惺惺自無容慮聞人之謗當自脩聞人之譽當自懼故便
是操存非敬之外別有操存工夫格物是致知非格物
之外別有致知工夫學者工夫寧下而寧高寧沉而勿浮
貴博而不貴雜貴精而不貴多寬不至慢密不至道怒不
至暴愛不至溺中道而立然者從之端莊肅肅嚴威儼恪
是敬之入頭處提撕喚醒且及敬之接續處主一無適湛然
純一是敬之無間斷處惺惺不昧精神不亂是敬之效驗

處人以為格言門人吏部侍郎余祐曰先生弱冠時奮志
聖學往遊康齋先生門退而藏脩于家讀書窮理存諸心
者不以一時或息及諸身者不以一事或遺久之則知益
精守益固養益裕而所得益深矣居業缺者先生道明德
立無可告語事有感于外而無可施行故筆之于冊取易
備辭立誠之義其間論聖賢德業經傳旨趣學問工夫政
教基本性命淵微不一而是至異端佛老之學尤深辯詳
闢唯恐其陷溺人心變亂士習蓋亦有為而發故其詞繁
而不殺焉萬曆十二年與王伯安陳公甫共祀孔廟

贊曰翼翼淑心絕俗高蹈學則為已治則王道泌之洋洋
從吾所好青青子衿是則是做

聖門人物志卷十終

聖門人物志卷十一

山西按察司按察使後學郭子章編輯

太原府知府後學趙彥校正

陽曲縣知縣後學陶嘉璋

交城縣教諭後學彭憲範全校

啓聖祠

啓聖公

啓聖公姓孔氏名叔梁紇伯夏之子也魯人為鄒邑大夫
襄公十年偃陽之役偃陽人啓門諸侯之士門焉縣門發

紇挾之以出門者孟獻子曰詩所謂有力如虎者也娶於魯之施氏生女九人無男其妻生孟皮病足叔梁紇曰雖育九女而無適是無子也於是乃求婚於顏氏有三女其父問曰鄒大夫雖父祖為卿士然其先聖王之裔今其人身長十尺武力絕倫吾甚重之雖年高性嚴不足為疑三子孰能為之妻二子莫對其幼穉在進曰從父所制將何問焉父曰即爾能其遂以妻之顏氏待足立之山生孔子孔子未生時有麒麟吐下書于闕里其文曰水精之子繼衰周而為素王顏氏異之以緇緇擊麟之角信宿而去妊十一月

生孔子是夕有二龍繞室五老降庭五老者五星之精也
更聞鈞天之樂空中有聲云天感生聖子故降以和樂之
音紇卒時孔子方三歲不知其墓殯於五父之衢人之見
之者皆以為葬也其慎也蓋殯也及顏氏卒問於同曼
父之母然後得合葬於防孔子曰吾聞之古也墓而不墳
今丘也東西南北之人也不可以弗識也於是封之崇四
尺孔子先反門人後雨甚至孔子問焉曰爾來何遲也曰
防墓崩孔子不應三孔子泫然流涕曰吾聞之古不修墓
墓在曲阜舊縣東二十里防山宋封齊國公顏氏封魯國

太夫人元至順二年加封啓聖王顏氏加封啓聖王太夫人
明弘治元年吏部尚書王恕請立祠廟祀啓聖王以
祀國公無繇萊蕪侯點泗水侯鯉邾國公孟孫氏配享永
年伯珣獻靖公松從祀禮官議不可遂已十四年侍郎魯
鐸復議如前亦不合嘉靖九年從請帝親臨議詔兩京國
子監并天下學校各建啓聖公祠祀顏氏配程珦朱松蔡
孔氏之位而以顏無繇曾點孔鯉子思氏配程珦朱松蔡
元定從祀每歲仲春秋上丁日致祭

贊曰水精慶胙勇力長軀神監尼阜瑞吐玉書丹山威鳳

滄海明珠啓聖百代天壤與俱

顏氏

顏氏名無繇字路魯人少孔子六歲孔子始教于闕里而受學焉及子回事夫子則異時也回死路實請孔子車以葬孔子曰材不材亦各言其子也鯉也死有棺而無槨吾不徒行以為之椁以吾從大夫之後不可以徒行唐贈杞伯宋封曲阜侯 明園子同業宋濂建議古者立學專以明倫子雖齊聖不先父食父矣故禹不先鯀湯不先契文王不先不窋宋祖帝乙鄭祖厲王猶尚祖也今回參伋坐

饗堂上而其父列食於廡間顛倒彝倫莫此為甚吾不知其何說也上不憚弘治十四年侍郎魯鐸言人倫莫大於君臣父子顛曾思三子配饗堂上而其父列祀廡下非禮宜於闕里別廟祀叔梁紇而以路哲子魚配禮官議不合遂已嘉靖九年從輔臣張璉議以無繇同點鯉孟孫氏配祀啟聖廟並稱先賢云

贊曰人誰無子爾嗣標奇行為世範學為人師請車誠非顧匪其利千載之下足以示懲

曾氏

曾氏名點

史記作戴

字皙南武城人禮教不行欲修之孔子善

之嘗命子參芸瓜誤斬其根曾皙怒後被擊之曾子仆地
有頃而蘇蹙然而起進曰大人用力於參得無疾乎退鼓
琴而歌欲父聽其歌而知其平也孔子聞之告門人曰參
來勿內也昔舜事瞽叟索而使之未嘗不在側索而殺之
未嘗可得而小杖則愛大杖則走今參委身待暴怒以陷
父不義夫安得為孝乎曾子曰參罪大矣遂造孔子謝過
焉曾侍孔子言志春服既成冠者五六人童子六七人浴
乎沂風乎舞雩詠而歸夫子喟爾嘆曰吾與點也季武子

之喪大夫弔點倚其門而歌蓋士之狂者孟子亦曰如琴
張曾皙牧皮者孔子之所謂狂矣性嗜羊棗洎沒曾參尤
不忍食唐贈宿伯宋封萊蕪侯 明嘉靖九年詔配祀啓
聖廟稱先賢

贊曰惟時義方有子誠孝傳得其宗父為之鵠莫春舞雩
詠歌至教行雖不掩其志彌高

孔氏

孔氏名鯉字伯魚孔子子也孔子十九娶宋开官氏一歲
生鯉實周景王十二年魯昭公之九年也時昭公以鯉魚

賜孔子榮君之貶故曰鯉而字伯魚孔子訓之曰女為周南召南矣乎人而不為周南召南其猶正牆面而立也與嘗獨立鯉趨而過庭曰學詩乎不學詩無以言鯉退而學詩他日又獨立鯉趨而過庭曰學禮乎不學禮無以立鯉退而學禮魯哀公以幣召鯉稱疾不行母死期而猶哭孔子聞之曰誰與哭者門人曰鯉也夫子曰嘻其甚矣鯉聞而遂除之年五十先孔子卒哀公十二年也葬宣聖墓東宋追封母開官氏鄆國夫人追封鯉泗水侯今配祀啓聖廟稱先賢

贊曰商王啓作微子開先周召是訓詩禮並傳父作至聖
子述上賢天倫慶殖奕葉萬年

孟孫氏

孟孫氏名何忌孟僖子之子南宮适之弟也初僖子棧昭
公如楚不能相禮及歸乃講學曰苟能禮者從之及病將
卒召其大夫曰禮人之幹也無禮無以立吾聞將有達者
曰孔丘聖人之後也而滅于宋其祖弗父何以有宋而授
厲公及正考父佐戴武宣三命茲蓋共故其賜銘云一命
而僂再命而偃三命而俯循墻而走亦莫余敢侮鱣于是

子曰是以饋余口其共也如是吾聞戒孫統有言曰聖人
不明德者若不當世其後必有達人今其將在孔丘乎我
若獲沒必屬說與何忌於夫子使事之而學禮焉以定其
位故孟懿子與南宮敬叔師事孔子孔子曰能補過者君
子也詩曰君子是則是做孟僖子可則做已矣懿子問孝子
曰無違樊遲問何謂也子曰生事之以禮死葬之以禮祭
之以禮問書曰欽四隣何謂也孔子曰王者前有疑後有
丞左有輔右有弼謂之四近言前後左右近臣當畏敬之
不可以非其人也周文王胥附奔輶先後禦侮謂之四隣

以免乎牖里之害懿子曰夫子亦有四鄰矣孔子曰吾有四友焉自吾得回也門人加親是非胥附乎自吾得賜也遠方之士日至是非奔輳乎自吾得師也前有光後有輝是非先後乎自吾得仲由也惡言不至於門是非禦侮乎邾隱公既即位將禮使大夫因懿子問禮於孔子孔子曰其禮如世子之冠冠於阼階以著代也醮於客位加其有成三加彌尊道喻其志冠而字之敬其名也行冠事必於祖廟以祿享之禮以將之以余一石之樂節之所以自卑而尊先祖示不敢擅也懿子曰天子未冠即位長亦冠乎孔

子曰古者王世子雖幼其即位則尊為人君以為成人之事者也何冠之有懿子曰然則諸侯之冠異天子與孔子曰君薨而世子主喪是冠也與人君無殊也懿子曰今邾君之冠非禮也孔子曰諸侯之有冠禮也夏之未造也有自来矣今無譏焉懿子曰三王之冠其異何也孔子曰周弁設嘏夏收一也三王其皮弁素妻貌周道也章甫設道也毋追夏后氏之道也定公元年懿子會城成周微得麇使西秦巴持之其母隨而呼之西秦巴不忍而與其母懿子適至求麇對曰余不忍而與其母懿子怒逐之居三月

復召為其子傳曰夫子不忍覓又豈忍吾子乎懿子數傳
生激公宜激公宜生孟軻

明嘉靖九年詔從祀啓聖

廟稱先賢

贊曰世祿之胄乃克絲禮承考治命來學闕里研講二加
旁窮四友兄弟同師允矣双美

程氏

程氏名响字伯溫河南洛陽人宋仁宗時為黃陂尉知興
國縣縣素難治响在邑二年而獄空者歲餘狡民善為
古券契田訟最難辨响訊之不十數語盡得其情與人感

其恩建祠祀之康定間通判南安時周敦頤為司理舉世不知珣視其氣貌不凡與語果知道者因命二子顯頤受學焉歷知漢州熙寧法行珣獨抗議未使使者李元瑜怒即移病歸旋致仕累轉太中大夫卒年八十五珣慈恕而剛斷平居與幼賤處唯恐有傷其意至於犯義理則不假也前後五得任子以均諸父之子孫所得奉祿分贍親戚之貧者官小得薄克已為義人以為難文彥博蘇頌等表其清節詔賜帛二百官給其葬宋封水年伯 明嘉靖九年詔從祀啓聖廟稱先儒

贊曰束身飭行嗇已寵義歷官一介成子兩驥清節表世
新法抗議甲會熙恬公察其四

朱氏

朱氏名松字喬年婺源人少有才名為文汪洋放肆不見
涯淡後取六經子史讀之以求天下興亡理亂之變又聞
河洛之學得聖賢不傳之意乃日誦大學中庸力於致知
誠意之地自謂褊急害道因取佩羊之義名韋齋從羅豫
章遊與李愿中侗為同門友雅敬重焉嘗以縣鄧迪天
啓語及愿中鄧曰愿中如米壹秋月

非吾曹所

及松深以為知言亟稱道之舉進士為尤溪尉歷司勳吏部即秦檜決策與金虜議和松率同列上章極言其不可檜怒風御史論松出知饒州因罷彼答津陽病且革為子熹曰籍溪胡明仲白水劉致中屏山劉孝冲三人吾友也學有淵源吾所敬畏吾即死汝往事之其言其言之聽則吾死不憾焉文公卒久世大儒題其室曰佩韋尊考訓晦木謹師傳韋者韋齊也師本劉屏山冠文公祝詞也宋封獻靖公 明嘉靖九年從祀啓聖廟稱先儒

贊曰蚤挾才思尋酖道腴追宗河洛抗直權諛授子三友

為世大儒標美父鶴對然華琴

蔡氏

蔡氏名元定字季通建陽人父發以程氏語錄邵氏經世張氏正蒙授元定曰此孔孟正脉也元定深涵其義既長辨析益精登西山絕頂思饒嘆齋讀書聞朱熹名往師之熹扣其學大驚曰此吾老友也不當在弟子列凡性與天道之妙他弟子不能聞者必以語元定四方來學者必必俾先從元定質正焉從臣尤袤楊萬里聯疏薦於朝召之堅以疾辭時韓侂胄禁偽學臺諫承風肆排擊然猶未敢

誦言攻朱熹至沈繼祖劉三傑連疏詆熹併及元定元定
曰化性起偽惡得無罪遂請道州州縣捕熹元定聞命不
辭家即就道熹與從游數百人餞蕭寺中坐客有泣下者
熹視元定不異平時因喟然歎曰友朋相愛之情李通不
挫之志可謂兩得矣元定賦詩曰執手笑相別無為兒女
悲挾纓同其子沉行三千里脚為流血無幾微見言面
至春陵遠近從者日衆有名士挾才簡傲非笑前修者亦
心服謁拜人為之語曰初不敬今納命愛元定者謂宜謝
生徒元定曰彼以學來何忍拒之若得禍患亦非閉門塞

實所能避也。貽書訓諸子曰：獨行不愧影，獨寢不愧衾，勿以吾得罪故遂懈。一日謂沉曰：可謝客，吾欲安靜以還造化。舊物閱三日卒，侏冑既誅，贈迪功郎，謚文節。元定天資高，聞道早，於書無所不讀，於事無所不講。明陰陽消長之運，達古今盛衰之理，上稽天時，下考人事，皆有明證。若禮樂兵制度數者，正其源而會于一方，技曲學異端邪說，悉拔其根而辟其非。凡古書奇辭，與昔人所不能讀者，一見即解。文公嘗曰：人讀易書難，元定讀難書易。又曰：造化微妙，惟深於理者能識之。吾與元定言而未嘗厭也。先生處

家以孝弟忠信儀刑子孫而其教人也以性與天道為先
自本而支自源而流聞者莫不興起嘗言文公教人以訓
詁文義為先下學上達固是常序然世衰道微邪說交作
學者未知本原未必不惑於異端之說也熹疏釋四書及
為易詩傳通鑑綱目皆與參訂啓蒙一書則屬起蕪學者
尊之曰西山先生所著有大衍詳說律呂新書燕樂原辨
皇極經世太玄潛虛指要洪範解八陣圖說熹為之序及
葵熹誄之曰精詣之識卓絕之才不可屈之志不可窮之
辨不復可得見矣 明嘉靖九年詔從祀啓聖廟稱先儒

聖門人物志卷十
贊曰學嘗啖齋行不愧影說理精瑩涉道要領股笥百家
情田萬頃箕裘者三丹青彪炳

聖門人物志卷十 終

聖門人物志卷十二

山西按察司按察使後學郭子章編輯

太原府知府後學趙彥校正

陽曲縣知縣後學陶嘉璋

交城縣教諭後學彭憲範全校

會典祀儀

先師孔子

釋菜
啓聖祠附

國初詔正諸神封號惟孔子封爵特仍其舊每歲二丁
傳

制遣官祭于國學每月朔望遣內臣降香朔日則祭酒行
釋菜禮洪武四年令進士釋褐詣國學行釋菜禮十
五年始

詔天下儒學通祀孔子頒釋奠儀二十六年頒大成樂
器于天下府學令州縣如式製造二十九年黜楊雄
從祀進漢董仲舒後遇

登極皆遣官祭告闕里又

駕幸太學行釋菜禮永樂八年正文廟聖賢繪塑衣冠
令合古制十九年北京國子監既定其南監奉祭

命祭酒行禮稱

皇帝謹遣正統元年判定從祀名將位次頒行天下二年
以宋胡安國蔡沈真德秀從祀三年禁祀孔子釋老
宮八年追封元吳澄為臨川郡公從祀成化二年封
董仲舒為廣川伯胡安國建寧伯蔡沈崇安伯真德
秀浦城伯弘治九年封宋楊時為將樂伯從祀嘉靖
九年釐正祀典始為木主題曰至聖先師孔子神位
改大成殿為先師廟殿門為廟門四配稱復聖顏子
宗聖曾子述聖子思子亞聖孟子之位十哲以下及

門弟子皆稱先賢某子之位左丘明以下稱先儒某子之位申黨即申棖祀止存棖公伯寮秦冉顏何荀况戴聖劉向賞遠馬融何休王肅王弼杜預吳澄十三人俱罷祀林放蘧伯玉鄭衆盧植鄭玄服虔范甯七人各祀于其鄉后蒼王通歐陽修胡瑗陸九淵增入從祀凡籩豆樂舞之數皆更定焉其內臣降香亦罷隆慶五年以本朝薛瑄從祀萬曆十二年以本朝王守仁陳獻章胡居仁從祀

洪武二十六年釋奠儀

一齋戒與祀帝王同

一傳

制

儀禮儀制司

一省牲

牛一今二山羊五今北羊豕九今十四

一陳設

正壇

特一

羊一

豕一

登一

鉶二

籩豆各十

簋簠各三

帛一 白色禮神制帛

共設酒尊三爵三篚一于壇東南西向祝文案一

于壇西

四配位

每位

羊一

豕一

登一合去鉶二

籩豆各十八簠簋各一合

爵三

帛一

篚一

十楮位

東五壇

豕一分五

帛一

篚一

爵三

每位

鉶一

蓬豆各四

簠簋各一

酒盞一

西五壇

陳設同

東廡

五十三位共十三壇今四十七位分十六壇

共豕一今三

帛一

篚一

爵一

每壇

蓬豆各四

簠簋各一

酒盞四

西廡 五十二位 共十三壇 今四十八位 分十六壇

陳設同

一 正祭典儀唱樂舞生就位 執事官各司其事 分獻官陪祀官各就位 贊引引獻官至盥洗所 贊詣盥洗位 搢笏出笏引至拜位 贊就位 典儀唱迎神 奏樂樂止 贊四拜 通贊陪祭官同 典儀唱行初獻禮 奏樂 執事官捧

帛爵詣

各神位前贊引導遣官贊詣

大成至聖文宣王

今稱至聖先師孔子

神位前贊搢笏贊獻帛

執事以帛進奠訖執事以爵進贊引贊獻爵出笏贊

詣讀祝位樂暫止跪

傳贊衆官皆跪

贊讀祝讀祝官取祝跪

於獻官左讀訖贊俯伏興平身贊詣

充國復聖公

今稱復聖類子

神位前搢笏獻爵出笏詣

邲國宗聖公

今稱宗聖曾子

神位前

沂國述聖公

今稱述聖子思子

神位前

鄒國亞聖公

今稱亞聖孟子

神位前

儀並同前

贊復位樂止典儀唱

行亞獻禮奏樂執事以爵獻于

神位前樂止典儀唱行終獻禮奏樂

儀同亞獻

樂止典儀唱

飲福受胙贊詣飲福位跪搢笏執事以爵進贊飲福

酒執事以胙進贊受胙出笏俯伏興平身復位贊兩

拜贊贊陪祀官同典儀唱徹饌奏樂執事各詣

神位前徹饌樂止典儀唱送神奏樂贊引贊四拜傳贊陪祀

同典儀唱讀祝官捧祝掌祭官捧帛饌各詣瘞位典

儀唱望瘞奏樂贊引贊詣望瘞位樂止贊禮畢

一祝文

維洪武 年歲次 月 朔 日

皇帝遣具官某致祭于

大成至聖文宣王

先師及四配
今稱并如前註
唯

王

今日
惟師德配

天地道冠古今刪述六經垂憲萬世謹以牲幣禮齊崇盛

庶品祗奉舊章式陳明薦以

兗國復聖公

邾國宗聖公

沂國速聖公

鄒國亞聖公配尚享

一分獻官儀注

分獻以翰林院修撰等官一員
國子監博士等官二員

典儀唱

分獻官陪祭官各就位各至拜位候讀祝訖唱分獻
官行禮贊引贊詣盥洗所贊措笏贊出笏贊陞壇贊

詣

神位前贊措笏執事以帛進于分獻官奠訖執事以爵
進于分獻官獻訖贊出笏贊復位

亞獻終
獻同

至典儀唱

望瘞各詣瘞位

一樂章

迎神

大哉

宣聖

孔曰

道德尊崇維持王化斯民是宗典祀有常精

純益隆神其耒格於昭聖容

奠帛

自生民來誰底其盛維王

維今日

師神明度越前聖案帛

具成禮容斯稱黍稷非馨惟神之聽

初獻

大哉聖王

聖今日

實天生德作樂以崇時祀無斁清酌

惟馨嘉牲孔碩薦修神明庶幾昭格

亞獻終獻

百王宗師生民物執瞻之洋洋神其寧止酌彼金罍
惟清且旨登獻于三於嘻成禮

徹饌

犧象在前豆籩在列以享以薦既芬既潔禮成樂備
人和神悅祭則受福率遵無越

送神

有嚴學宮四方來宗恪恭祀事威儀雍雍歆格惟馨
神馭還復明禋斯畢咸膺百福

今定配哲從祀牌位

四配

復聖顏子

舊封兗國復聖公

宗聖曾子

舊封郕國宗聖公

述聖子思子

舊封沂國述聖公

亞聖孟子

舊封鄒國亞聖公

十哲

先賢閔子

名損舊封費公

先賢冉子

名雍舊封薛公

先賢端木子

名賜舊封魯公

先賢仲子

名由舊封衛公

先賢卜子

名商舊封魏公

先賢冉子

名耕舊封鄆公

先賢宰子

名予舊封齊公

先賢冉子

名求舊封徐公

先賢言子

名偃舊封吳公

先賢顓孫子

名師舊封陳公

東廡

先賢澹臺滅明

舊封金鄉侯

先賢原憲

舊封任城侯

先賢南宮适

舊封汝陽侯

先賢商瞿

舊封須昌侯

先賢漆雕開

舊封平輿侯

先賢司馬耕

舊封睢陽侯

先賢有若

舊封平陰侯

先賢巫馬施

舊封東阿侯

先賢顏辛

舊封陽穀侯

先賢曹邴

舊封上蔡侯

先賢公孫龍

舊封枝江侯

先賢秦商

舊封馮翊侯

先賢顏高

舊封雷澤侯

先賢壤駟赤

舊封上邽侯

先賢石作蜀

舊封成紀侯

先賢公夏首

舊封鉅平侯

先賢后處

舊封膠東侯

先賢奚容蒧

舊封濟陽侯

先賢顏祖

舊封富陽侯

先賢向平璽

舊封滏陽侯

先賢秦祖

舊封裡城侯

先賢縣成

舊封武城侯

先賢公祖句茲

舊封即墨侯

先賢燕伋

舊封沂源侯

先賢樂欬

舊封建成侯

先賢狄黑

舊封林慮侯

先賢孔忠

舊封郟城侯

先賢公西蒧

舊封徐城侯

先賢顏之僕

舊封宛句侯

先賢施之常

舊封昭漢侯

先賢秦非

舊封華亭侯

先賢申棖

舊封文登侯

先賢顏濬

舊封濟陰侯

先儒穀梁杰

舊封睢陽侯

先儒高堂生

舊封莒蕪侯

先儒毛萇

舊封樂壽伯

先儒后蒼

先儒杜子春

舊封緹氏伯

先儒韓愈

舊封昌黎侯

先儒程顥

舊封涇國公

先儒邵雍

舊封新安伯

先儒司馬光

舊封溫國公

先儒胡安國

舊封建寧侯

先儒楊時

舊封將樂伯

先儒張栻

舊封華陽伯

先儒陸九淵

先儒許衡

舊封魏國公

德有堂侯 顏伯蘭
王侯 杜預今點
宋侯 度今改祀
孔侯 啓聖祠
中作伯鄭泉良鄉伯盧

西廬

先賢宓不齊

舊封單父侯

先賢公冶長

舊封高密侯

先賢公皙哀

舊封北海侯

先賢高柴

舊封共城侯

先賢樊須

舊封鄆侯

先賢公西赤

舊封鉅野侯

先賢梁鱗

舊封十乘侯

先賢冉孺

舊封臨沂侯

先賢伯虔

舊封沐陽侯

先賢冉季

舊封諸城侯

先賢漆雕徒父

舊封高宛侯

先賢漆雕哆

舊封濮陽侯

先賢商澤

舊封鄆平侯

先賢任不齊

舊封當陽侯

先賢公良孺

舊封牟平侯

先賢公肩定

舊封梁父侯

先賢鄒單

舊封聊城侯

先賢宰父黑

舊封祈鄉侯

先賢榮旂

舊封厭次侯

先賢左人郢

舊封南華侯

先賢鄭國

舊封陽山侯

先賢原亢

舊封樂平侯

先賢廉潔

舊封非威侯

先賢叔仲會

舊封博平侯

先賢公西與

舊封臨陶侯

先賢邾奚

舊封高唐侯

先賢陳亢

舊封南頓侯

先賢琴張

舊封陽平侯

先賢步叔乘

舊封博昌侯

先儒左丘明

舊封中都伯

先儒公羊高

舊封臨淄伯

先儒伏勝

舊封東氏伯

先儒孔安國

舊封曲阜伯

先儒董仲舒

舊封廣川伯

先儒王通

先儒周敦頤

舊封道國公

先儒歐陽修

先儒張載

舊封邵伯

先儒程頤

舊封洛國公

先儒胡瑗

先儒朱熹

舊封徽國公

先儒呂祖謙

舊封開封伯

先儒蔡沈

舊封崇安伯

先儒真德秀

舊封浦城伯

先儒薛瑄

先儒王守仁

先儒陳獻章

先儒胡居仁

舊有壽張侯公伯寮新息侯秦冉考城伯戴聖
岐陽伯費遠扶風伯馬融任城伯何休鉅師伯
王弼今黜內黃侯遂伯王長山侯林放高密侯
鄭玄新野伯范甯臨川郡公吳澄今改祀於鄉
曲阜侯顏無繇改入啓聖祠從祀淄川侯申黨
即中樞今革存張

凡祭期洪武元年定以仲春秋上丁日降香遣官祭
孔子于國學 七年仲春上丁日食改用次丁 成

化二十二年二月朔當釋菜值上丁令以次日釋菜

凡祭器禮物樂舞洪武四年更定各置高案籩豆簠
簋登銅悉用窳器牲用熟樂舞生擇監生及文武大

臣子弟在學者預教習之今用太常樂舞生 正統三年令

祭丁品物非其土產者廉以羊代榛棗以所產果品
代 景泰六年奏准以兩廡祭品儉薄增分四隻棗
栗各五十斤黍稷各一斗形鹽五十斤南京國子監
一體增設 成化十二年增樂舞為八佾籩豆各十
二 嘉靖九年令南京國子監祭用上籩十豆天下
府州縣學八籩八豆樂舞各止六佾

月朔釋菜儀

其日清晨執事者各司其事分獻官各官分列于大

成門內監生排班俟獻官至通贊唱排班獻官以下
各就位通贊唱哱齊鞠躬拜興拜興平身引贊詣獻
官前唱請盥洗所獻官盥手悅手訖引贊唱詣酒尊
所司尊者舉巖酌酒訖引贊唱詣

至聖先師孔子神位前跪獻爵俯伏興平身

執事者行事並同

引贊唱詣

復聖顏子神位前

宗聖曾子神位前

述聖子思子神位前

亞聖孟子神位前

儀並

十哲兩廡分獻官一同行禮畢

引贊同唱復位引贊導獻官分獻官至原拜位立通贊唱鞠躬拜興拜興平身禮畢

正壇

饌卓






祝卓

祝卓







四配



火



十哲陳設



十哲



兩旗隊

三九



（前）（左）（右）（後）（中）（前）（後）

（前）（左）（右）（後）（中）（前）（後）



啓聖祠祭儀

嘉靖九年令在京國子監并天下學校各建啓聖公祠中

并統題稱啓聖公孔氏之位以顏無繇曾點孔父孟孫氏配俱稱先賢某氏之位程珦朱松蔡元定從祀俱稱先儒某氏之位每歲仲春秋上丁日遣國子監祭酒行禮南監司業行禮

一陳設

正位

羊一

豕一

蓮豆各八

簋簋各二

鉶二

爵三

帛一

篚一

東配

豕一

爵三

帛一

篚一

每位

簋簋各一

籩豆各四

西配

同

東西從祀

同

一正祭是日三更贊引導遣官至盥洗所措笏出

典儀唱執事官各司其事遣官就位迎神四拜

兩廡分獻

官典儀唱奠帛行初獻禮遣官白

廟左門入贊詣

啓聖公孔氏神位前搢笏獻爵出笏詣讀祝位跪讀訖

俯伏興平身

兩廡分獻官同贊詣

先賢顏氏神位前獻帛獻爵詣

先賢曾氏

先賢孔氏

先賢孟孫氏各神位前

儀並同前兩廡分獻官同

獻帛爵訖復位典

儀唱行亞獻禮終獻禮儀同典儀唱徹饌訖唱送神

四拜

兩廡分
獻官同

典儀唱讀祝官捧祝掌祭官捧帛饌各

詣瘞位唱望瘞捧祝帛饌官至瘞所贊引贊詣望瘞
位贊禮畢

一祝文

一維 年 月 日

皇帝遣其官某致祭于

啓聖公孔氏曰惟

公誕生至聖為萬世王者之師功德顯著茲因仲春特

用遣祭以

先賢顏氏

曾氏

孔氏

孟孫氏配尚享

聖門人物志卷十二終